

مکملہ ادبی

❁ ادبی و سیاسی رسالہ اسبوعیہ در ❁

۳۱ نجی سنہ

۶ جمادی الاخری ۱۳۳۰

❁ پچشنبہ ❁

جلد : ۱۴ - جزو : ۱۴۷

روسیه نك قره دگز قوای بحریه سنك مقدار واهیتی

یكن نسخه مزده نشر اولنان ؛ (روسیه شرقده نه مقصد تعقیب ایدیور ؟) عنوانی مقاله ده روس فیلوسنك بحر سیاه بوغازنده برطاقم غایشلر اجرا ایدمچکنه دائر دوران ایدل شایمه لردن برنده بحث ایدلمشدی . شایعات مذ کوره صوك زمانلرده اوروپا مطبوعاتنه بك زیاده مدار بحث اولدینی کبی ، الآن دخی بعض غزتهلرده صیق صیق موضوع بحث اولمده در . بواساغاتك بك مصرانه تکرر اتمکده اولسنه وخصوصیه بزه خیرخواه گورینان بعض اجنبی غزتهلرنده کمال اهمیت وجدیتله درپیش ایدلمکده بولمسنه نظراً روسیه نك ابرکیچ بزه قارشی قره دگز فیلوسیهلر برتشیده بولنه جفته حکم ایتك دور اندیشك لوازمندندر . حقیقت حالده روسیه نك بزه قارشی استعمال ایدمیهلر جکی اك سریع وشدید واسطه تضییقه قره دگز فیلوسیدر . روس فیلوسنه بواهیتی اکتساب ایتدن ایه زم قوای بحریه نك حال ضعیفدر . حتی بعض ارکان حرب ضابطا نك فکر و عیا که سنه کوره روسیه نك قره دگز فیلوسنه معادل ویا فائق بر دوغایه مالک اولدیغز آندن اعتباراً - حدود بریه نری ترقیات حاضره نك ایجاباته توفیقاً تحکیم ایتك شرطله - روسیه دن هیچ پرواضر قالماز . بوجهت روسیه جهده بویه تقدیر ایدلمکده اوله جفکه حکومت مذ کوره برایکی سنه دن بری قره دگز دوغاسنك تقویه سنه بك زیاده اهمیت ویرمه باشلامشدر . شواحواله نظراً روسیه نك بحر سیاه فیلوسنجه بیدری حصوله کلان تحولات و ترقیات دائمی صورتده پیش تدقیقه بولندیرمق یزلر ایچون اخص مشاغل اولقی لازمکادیکی کبی . شایعات منتشره اعتبارله مذ کور فیلونك قوتی نه دن عبارت بولندیقی بیلیمکده فائده دن خالی دکلدر . ایشته بومطالعاته بناء فرانسیزجه رسائل معتبره شهریه دن برنده روسیه قوای عمومیه بحریه سنه دائر مندرج اولان بر مقاله مفصله نك قره دگز دوغاسنه عائد فسنی مجموعه مزه نقل ایدیوروز . مقاله نك اك زیاده جالب نظر دقت جعتی روسیه نك یکی پروغرام موجبنجه قره دگزده آلتی عدد تحت البحر سفینه انشاسنه باشلادیقی حقنده کی افاداتدر . زم ایچون قره دگزده روسیه به میدان او قومی امکاتنك بوقدر بعید اولدینی بر سرده حکومت مذ کوره نك یالکزر اسباب تدافیه دن معدود اولان تحت البحر سفائن وجوده کتیرمکده استعمال کوسترمی هم روس رجال حکومتنك مزایای دور اندیشانه سنه دلالت ایدر ، هم تحت البحر سفائن سواحل مدافه سنده کی اهمیتی کوستر بر . همده درت سنه دن بری بوقدر استقراضلر عقد اولمش ، بوقدر پاره لر هبا ایدلش ایکن

بهرى نهايت (۱۰۰) بىك ليرا قيمتمده بولنان تحت البحر سيفينه لردن برقاچ دانه تداركنى دوشونمه مكدكه غفلتمك درجه سنى ارانه ايدر .

برده مقاله نك صوگنده بزلر ايچون يك ناخوش حكى تضيمن ايدن برقاچ جله يده عينا ترجمه ايلدك بوندن مقصدمزده اوروپا ارباب قلنددن بعضيلرينك احوال خاضره سياسييه من اعتباريله مملكتمك آتيسنى نصل كوردكلرينه دائر اصحاب مطالعه برفكر ويرمك وبوصورتله ديدة ابتصار وانتباهمك آچيلمه سته خدمت ايتمكدر .

ع . و



« روسيه نك قره دكزده بر مغلوبيت بحريه يه دوچار اولمى ، اهميت وماهيتنى شمديدن تصوير و تخمين ممكّن اولميان بر جوق نتايجه سببيت ويرميليير . بوجهتله روسيه اسمكيدن برى قره دكزده حاكيت بحريه يي تايمين ايتمكه مساعى اولمشدر . مع مافيه روسيه نك بخر سياه فيلوسنك بعضاً هيجه اينديكي وبعضاًده يك زياده ضعيف بولندينى زمانلر كورلمشدر . مثلاً قرىم محاربه سندن صكره ۱۸۵۶ پارس معاهده سى ايله روسيه حكومتى قره دكزده فيلو بولنديرمقدن منع اولمش ايدى . واقعا ۱۸۷۰ فرانسه آلمانيا حربى اوزرينه روسيه حكومتى معاهده نك بوقود مانع سنى فسخ ايتديره رك در حال بخر سياه ده سفان حريمه انشاسته باشلادى ايسه ده (۷۸ - ۱۸۷۷) حربنده دونماسى هنوز كافى درجه ده اكتساب قوت ابد مامش ايدى . بو محاربه دن صكره ايسه روسيه حكومتى قره دكزده مهيب بر فيلو تاسيسنه قرار ويردى وانشا آتّه باشلادى . آرز زمان ايچنده ده فى الواقع اولدقجه قوتلى بردونما وجوده كتيرمكه موفق اولدى . مع مافيه بودونمايى تشكيل ايدن سفانك اكثريسى اوزون مدت دوام ايدن صلح طولاييسيله برايش كورمه دن قرىم ترسانه لرنده اسكيمكه وبوصورتله قيمتى قالميان كميلر يرينه يكليرينك انشا واقامه سى خصوصنده بر آرز متاينانه حركت ايدلمكه ايدى . نهايت ۱۹۰۸ سته سنده بردن بره تركيا انقلابى وقوعه كلدى . تركار قواى بريهرى كچى قواى بحريه لرينده تزديد وتقويه ويا ده طوخريسى يگدن وجوده كتيرمك آرزو وغيرته دوشديلر

وَاعانہ جمعیتوں کی تشکیل . دونوں ہیٹلری تاسیس ایلڈیلر . وَبومساعینک ایلک
نمرہ سی اولق اوزرہ دہ ۱۹۱۰ سنہ سندہ آلمانیاںک (کورفورست ویلم)
و (وہ یسمبورغ) نامندہ کی ایکی قدیم سفینہ حربیہ سی مبیاعہ ایلڈیلر . طبیعی
ایکی اسکی تکتہ نك بر قیمت حربیہ سی بولندیغہ وَحق آلمانیاںک تعلیم وَتجربہ
کورمش مرتبائی طرفندن ادارہ ایدلسہ بیلہ برایش کورہ بیلہ جکتہ احتمال ورمک
جائز اولہ ماز . مع مافیہ بویکی سفینہ نك مبیاعہ سی ترکیانک سریع برصورتہ
قوای بحریہ وجودہ کتیرمک خصوصندہ نہ قدر خواہشکار اولدیغنی اثبات ایدر .
اساساً حکومت عثمانیہ نك تشبثاتی بوندن دہ عبارت قلامش . انکلز دستک
انشالریندہ بریوک (دریدنوت) سپارش اولمشدرکہ بوسفینہ جمعیۃ حربیہ ،
ایلرودہ وجودہ کلہ جک عثمانلی فیلوسنک ایلک نومروسی عد اولنہ بیلیر . ہر حالہ
باب عالینک قوای بحریہ سی تزید و تقویہ ایچون واسع وَعمومی بر پروغرام
حاضر لادیغہ شہہ ایلڈیلر . چونکہ استخبار ایدلیدیکنہ نظراً سینوب وَصامسون
لیمانلرینک تحکیمہ باشلانمشدر .

ایشتہ حکومت عثمانیہ نك بوتامیلاتی قارشوسندہ روسیہ ایچون قرہ دکزده کی
فیلوسنی تقویہ ایلک ، (سواستوپول) وَ (نیکولایف) ترسانہ لرینک یگیدن
اصلاحی اسبابنہ نشبث ایتک قطعاً تحت وجوبہ کیرمش ایدی .
شمدیکی حالہ روسیہ نك قرہ دکزده کی بحریہ سی وجہ آتی اوزرہ بولنقده در :

زرہلی سفائن :

تاریخ تزیل	حجم استیعاییسی طنو نیلاتو	سرعتی میل
۱۸۸۷	۱۱,۴۰۰	۱۶
۱۸۹۰	۸,۸۵۰	۱۵,۷
۱۸۹۲	۱۱,۲۰۰	۱۶
۱۸۹۳	۱۳,۵۰۰	۱۶
۱۸۹۶	۹,۰۰۰	۱۵,۶

سینوب

دیوبہ ناجات آپوستولوف

کہ اورکی پویہ دونوچف

تری سیویاتیتہ لیا

روستیسلاف

انشاسی ختام بولق اوزره اولان سفان :

سرعتی میل	حجم استیعا بیسی طنونه	
۱۶	۱۳,۰۰۰	زوآن زلاتوست
۱۶	۱۳,۰۰۰	سیویاتوتی یهوستانی

محافظه لی قرووازورلر :

سرعت میل	حجم استیعا ب طنونیلانو	تاریخ تنزیل	
۲۳,۵	۶,۷۰۰	۱۹۰۳	پامیات مهر قوریا
۲۳,۵	۶,۷۰۰	۱۹۰۲	قاغول

کوچك سفانه کلجه آنلرده ۱۲ عدد طورپیدو مخربندن عبارتدر .
الیوم احکامی موقع تطبیقه قوللغه باشلایان یکی قوای بحریه پروغرامنه
کلجه بو پروغرامك بحر سیاهه طاند قسمی تماماً ایفا ایدلدیکی زمان روسیه نك
قره دكز فیلوسنك قوتی خیلیدن خیلی یه تزايد ایلش اوله جقدر . دهها مهم
بردرجه یه ده بالغ اوله بیلیردی . فقط بو تزايد بدایه (دوما) یه تودیع ایدیلان
لایحه لرده اق مرتبه لرده التزام افراط ایدلشدی، که مجلس ؛ بومفرطانه تصورات
ونکلیفانك قارشوسنده پروغرام مندرجاتی خیلیدن خیلی یه تنزیله مجبور اولمشدر .
نکلیفات واقعه ده نه قدر ایلری کیدلدیکنه مثال اولق اوزره روس آمیرال لرندن
برینك برجوق تحت البحر سفینه لر و طورپیدو محربلرندن ماعدا آلتی دریدنوتك
بردن دستکاه انشایه قوللشنی طلب ایلدیکی کوستریله بیلور . بوکچی مطالباتك ایسه
مجلس ملی بی اورکومسی و معکوس مقررات اتخاذه سببیت ویرمسی طبیعی
ایدی .

۱۹۱۱ سنه سی شباطنده روسیه بحریه ناظری بحر سیاه انشآت جدیده سی
ایچون (۳۱۰) میلیونق تخصیصات ایستدی . فقط (دوما) نك بوتکلیفه مخاصمکارانه
برطوره مقابله سی اوزرینه لایحه سنی کیرو آلدی . ایکی اوج آی صکره یگی

بحریه ناظری آمیرال (ضریغورویچ) عمومی بحریه پروگرامی (دوما) به تودیع ایلیکی زمان قره دکز فیلسنک مقداری حکومت عثمانیه نك قوای بحریه سنه تابع اولق لازم کله جکئی و روسیه ایچون بحر سیاهده دائماً عثمانلی دونماسنک (برجق) مثلنه مساوی بر قوت بولندیرمق قطعاً تحت وجوده اولدیفنی سولیشدی. نهایت ۱۹۱۱ سنه سی آغستوسنده روسیه مجلس وکلامی بحر سیاه فیلوسی ایچون مجدداً اوج دریدنوط، طقوز طوریدو مخربی و آلتی تحت البحر سفینه انشاسنه قرار ویردی. و حکومتک بوقراری دوماجه دخی تصویب اولندی.

انشاآتک صورت اجراسندهده قره دکزک موقع مخصوصک مساعد اولدیفنی مرتبه لرده (اصول حمایه) التزامی دوشونیلهرک بتون گمیلرک روس دستکاهلرنده، روس عملیه سی طرفدن و روس مالزم انشائییه سی ایله وجوده کتیرلمی تقرر ایتدی. یالکیز سرمایه نك بر معتاد فرانسهدن استقراضه و مهندس لرکده انکلتزهدن جلبنه لزوم کورلدی. بوسیله ایله اسلاف مثلنده جبهه کارانه معامله ده بولنش اولیوردی.

۱۹۱۱ آغستوسنده انشاسی تقرر ایدن اوج (دریدنوط) ایکی آی صکره، یعنی سنه مذکوره تشرین اولنده دستکاهه وضع اولندی. بونلره شمیدین (ایمپراطوریجه ماری)، (اوجخی آلکساندر)، (ایکنجی قاترینا) ناملری ویرلشدر. هر برینک حجم استیعاییسی (۲۲,۵۰۰) طونیلاتو، سرعت سیری (۲۱) میل، اسلحه سی (۳۴) ساتیمترولق اون قطعه جسم طویدن متشکل اوله جقدرد. بو اوج سفینه نك هر اوجی ده (نیقولایف) ترسانه سنده انشا اولمقده در. یینه بو ترسانه طقوز طوریدودن اوجنی دخی انشا و دریاه تنزیل ایلیه جکدر. بو طوریدودن بهری (۳۵) میل سرعتده و (۱۰۵۰) طونیلاتو جسم امتده در. انکلتزهدن (ویکارس) نامنده کی انشاآت بحریه فابریقه سی؛ (نیقولایف) ترسانه نك، انکلتزهدن دستکاهلرنده کی الک صوگ ترقیات و تکمیلاته توفیقاً اصلاح و تجدیدنی درعهده ایلشدر. نیقولایف ترسانه سی تقریباً (۱۰۰) هکتار بر مسافه یی قایلامده و (۸) الی (۱۰) بیک عمله استخدام ایلکده در. بو ترسانه زرهللی

سفان جسیمه دن ، تحت البحر سفینه لره ، طور بیلرله ، پروژکتورلرله وارنجیه قدر قوای بحریه یه متعلق کافه لوازمی انشا ایدم جک وسائطه مالک بولمخده در .

شوتفصیلاتدن منقهم اولدینی اوزره روسلر قره دكز دونماسنه وامور بحریه سنه پك زیاده اهمیت عطف ایتمکه باشلامشدر . ۱) حتی چار نیقولا ۱۹۱۱ سنه سی ایلولنده (سواستاپول) استحقاقات ایله ترسانه لری یکان یکان وکال دقت و اهمیتله زیارت و تفتیش ایلشدر .

عین زمانده آمیرال (بوسترم) ك قوماندا سی آلتند بولنان فیلو (وارنه) لیمانی زیارت ایتمکه و زرهلیر روس و بلغار سنجاقلریله دونادلمش اولدینی حالده برچوق شملکله ربایله رق بلغار قرالچیه سی (مله اونور) روس امیرالی ایله ضابطاتی حضورینه قبول ایتمکه و دیگر طرفندن ده بحریه ناظری آمیرال (غریغوروویچ) (نیقولا یف) ترسانه لرند اوج دریدنوطك دستکاه انشایه وضعی مراسمنه ریاست ایتمکه ایدی .

روسیه ایشه برطرفدن قره دكزده کی قوای بحریه و اسباب تدافیه سی بیوک براهتتام واستعمال ایله اصلاح و تجدیده سعی اولمقله برابر ، دیگر طرفندن ده بوغازلر مسئله سیله کمال اهمیتله اشتغال ایتمکه در . بومسئله بوسنه و هر سسك آوستریایه الحاقی اوزرینه تازه لمخشدی . مؤخر آ ایالیانك چوقدن بری مطمح نظری ۱) روسیه نك ، بزده داروی حریت و مشروطیت ایله جسم ناتوان دولتك شفا ساز اولق احتمالی ظهور ایدر ایتز ، فرصت فوت ایتیه رك درحال بحر سیاهده اسباب تدافیه و تجاوزیه سنك تقویه سنه اهتتام ایلی پك زیاده نظر عبرتمزی جلب ایدم جک احوالنددر . فی الحقیقه روسیه نك شمدیکی حالده قوای عمومیه سی بزى تمامیه تحت تهدیده طوته جق و هر آن شمدله تضیق ایلیه جک برمرته ده ایکن آلمانیا دن آلدیغز ایکی جووروك تئکنه و قوای بره مزده اجرا ایتدیکم بعض اصلاحات اوزرینه درحال بویه عظیم فداکارلرله متوقف تدابیر اتخاذ ایلی و ازجمله شمدیدن بحر سیاهده تحت البحر سفینه انشاسی کی صرف تدافیه نشباند بونسی نه درجه لرده بصیرتکار و احتیاطلی اولدیغنه دلالت ایدر . روسیه نك بز قارشى شمدیدن بویه استحضار ائده بولمغه لزوم کوردیکی میدانده ایکن بزم طرابلسی هر درلو وسائط مدافعه دن عاری برحاله بره رق ، نهایت باشمزه شو غائله حربی دعوت ایتش بولنامزه دلخون اولماق قابیلدر ؟

اولان طرابلس غربك استیلاسنه مباشرتی اوزرینه روسیه ده برای تعویض تکرار
 بوغازلر مسئله سنی قورجالامغه باشلامشدر . واقعا شمیدیکی حالد روسیه نك بوباید
 قطعی وعلنی تشبثانده بولندیفی کورلمیور . فقط اوزاقدن اوزاغه مسموع اولان
 بعض موثوق اشاعتدن وهرکون محسوس ویا منظور اولان بعض صریح المابه
 امارات و احوال دن حکومت مذکور نك الك مناسب فرصتی بکله دیکنه ووقت
 مرهونی کلدیکنه حکم ایدر ایتمز . اولانجه قوت وشدتیه مسئله یی یکیدن کشاد
 ایدم جکنه شبه اولنه ماز . بومسئله حقنده استانبول مطبوعاتندن (طنین) غزته سنك
 تکلیف و ترویج ایلدیکی صورت حله کانجه - که روسیه نك بحر سیاه فیلوسنك
 بالطق دکزیه نقلی و بوگا مقابل ترکیا طرفندن قره دکزك بیطرفلغنی تحت ضمان
 و تکفله آلمسنی و قواقدن خارجه سفان حریبه کوندرلمیه جکنك ده تعهد
 ایدلمسنی متضمندر - روسیه جه بو طرز تسویه حیرت واستحقاق ایله تلقی ایدلمشدر .
 واقعا بوغازلر مسئله سی بوگون روسیه ایچون معلقده طور یور . فقط ایرکی
 مسئله مذکور نك بر صورت حله اقتران ایدم جکی محققدر . چونکه حکومت
 عثمانیه بوگون یواش یواش اولسه ده قطعی و امین بر صورتده ورطه انقسام واضمحلاله
 طوغری سور وکله نیور . بوتیجه حاصل اولدقدن صکره ایسه بوغازلر مسئله سنك
 هر حالد روسیه جه مطلوب بر طرزده تسویه پذیر اوله جغنده شبه ایتمه مك لازم
 کلیر . »

